



## POZIV ZA UČEŠĆE NA XV REGIONALNOM MOOT COURT TAKMIČENJU PRED EVROPSKIM SUDOM ZA LJUDSKA PRAVA

Pravni fakultet Univerziteta u Sarajevu (Fakultet) poziva zainteresovane studente da se prijave za učešće na XV [Regionalnom moot court takmičenju pred Evropskim sudom za ljudska prava](#) (Takmičenje).

### O ČEMU SE RADI?

Takmičenje simulira postupak pred [Evropskim sudom za ljudska prava](#) (Sud), a temeljem hipotetičkog slučaja. Njegova dva sastavna dijela su: pismeni dio, u okviru kojeg studenti pišu podneske Sudu i to: 1) aplikaciju zbog povrede prava i sloboda zaštićenih [Evropskom konvencijom za ljudska prava i temeljne slobode](#) i 2) odgovor države na navodne povrede prava i sloboda. Drugi dio je usmeni – simulacija usmene rasprave pred Sudom.

Pobjednik Takmičenja učestvuje u trans-evropskom takmičenju u Strasbourgu, pred sudijama Suda, a koje se sastoji od dva meča protiv pobjednika identičnog regionalnog takmičenja za pravne fakultete država Skandinavije.

Takmičenje organizuje švedska nevladina organizacija [Civil Rights Defenders](#). U njemu učestvuje 12 fakulteta sa prostora bivše Jugoslavije i Albanije.

Radni jezik Takmičenja je bosanski.

Pravni fakultet u Sarajevu je najbolji uspjeh na ovom Takmičenju ostvario u maju 2019. godine, kada je osvojio [drugo mjesto](#).

## **KADA ĆE SE TAKMIČENJE ODRŽATI?**

Prvi, pismeni dio Takmičenja će se održati od 26.05. do 02.07.2021. godine.

Drugi, usmeni dio Takmičenja će se održati od 15. do 18.10.2021. godine, u Mariboru, Slovenija (ako to bude moguće usljed epidemiološke situacije).

U periodu od sredine jula do početka septembra 2021. godine, aktivnosti vezanih za Takmičenje neće biti.

## **KO SNOSI TROŠKOVE UČEŠĆA U TAKMIČENJU?**

Troškove organizacije Takmičenja u cjelosti snosi organizator – Civil Rights Defenders.

## **KOJI SU BENEFITI UČEŠĆA U TAKMIČENJU?**

- Iskustvo učešća u međunarodno priznatom Takmičenju.
- Steći ćete znanja iz oblasti ljudskih prava, a prvenstveno korpusa prava razvijenog temeljem Evropske konvencije za zaštitu ljudskih prava i temeljnih sloboda.
- Steći ćete vještine pravnog logiciranja, argumentiranja i pisanja podnesaka Sudu, te govora tijela i ponašanja u sudnici.
- Imat ćete priliku da upoznate i širite svoju mrežu poznanstava sa kolegama iz regiona, bivšim sudijama Suda i trenutnim sudijama najviših sudova u regionu.

## **KO SE MOŽE PRIJAVITI?**

Prijavit se mogu studenti III, IV godine I ciklusa studija i studenti II ciklusa (master) studija.

Kao element prednosti (ali ne kao eliminacioni faktor) uzet će se u obzir:

- posjedovanje osnovnih znanja o Evropskoj konvenciji za zaštitu ljudskih prava i temeljnih sloboda,
- poznavanje engleskog jezika.



PRAVNI FAKULTET UNIVERZITETA U SARAJEVU

**Najvažniji kriterij (!)** jeste da potencijalni takmičari imaju razvijen timski duh te da su spremni aktivno i redovno raditi tokom pismenog i usmenog dijela Takmičenja. Ovo su osnovni preduvjeti za učešće na Takmičenju.

### KAKO SE PRIJAVITI?

Prijave, koje se sastoje od imena i prezimena, godine studija, te informacije o dodatnom obrazovanju (elementima prednostima), se dostavljaju na email adresu asistenta Haruna Išerića, trenera kluba *Iudex* ([h.iseric@pfsa.unsa.ba](mailto:h.iseric@pfsa.unsa.ba)), do nedjelje, 23.05.2021. godine.

### PRIJE NEGO SE PRIJAVITE ...

Informativni čas posvećen Takmičenju, na kojem ćemo govoriti detaljnije o njemu te odgovoriti na Vaša pitanja zajedno sa bivši takmičarima, bit će održan u petak, 21.05.2021. godine, u 15:00 sati putem *Microsoft Teams* aplikacije. Kako bi učestvovali na info času, potrebno je da pošaljete email na prethodno navedenu email adresu do petka, 14:30 sati.